

Guangjisi Minzcu Bau

ganhhau: CN45-0036 B.2016 Nd.8 Ng.31 liggaueq bingjsaen nienz ndwencaet ngeihgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3239期

Namzningz Si Bi 2016 “Riengz Gou Hag Sawcuengh” Geiz Daeuz Beizyinbanh Youq Vujmingz Haiban 南宁市2016年“跟我学壮文”首期培训班在武鸣开班

8 nyied 23 hauh banhaet, Namzningz Si bi 2016 geiz daih' it “riengz gou hag Sawcuengh” beizyinbanh youz Namzningz Si Minzcunghveij, Namzningz Si Minzyijveij cawjbanh haenx youq Vujmingz haiban. 25 boux yozyenz daj Hwngzyen, Sanglinz, Lungzanh, Hinghningz, Vujmingz daengj 8 aen yienhgi daeuj haenx camgya le haiban yizsi. Namzningz Si Minzveij fudiuyenzyenz Veiz Sangwz camgya haiban yizsi caiqlj gangjvah. Namzningz Si Minzyijveij, Vujmingz Gih Minzcunghgiz (Minzyijgiz) bouxucwz caeuq nyuenz Cungguk Minzcuz Yijvwnz Fanhyizgiz Sawcuengh Fanhyizsiz ngeihgaep hoizsaemj, gyausou Gvanh

Swingh caeuq Guengjsae Sawcuengh Hagdangz, Guengjsae Minzcuz Cunghdwngj Conhyez Hagdangz nyuenz fuyaucangj, gaugaep gyangj-swh Cinz Sinhyen camgya haiban yizsi.

Haiguh baez hagsib beizyin neix, mboujdan ndaej bang canghfwen ndawbiengz Bouxcuengh hagsib roxyiuj vah saw minzcuz bonjfaenh, aeu Sawcuengh caeuq fwen Bouxcuengh ndeindei giethab hwnjdaej, yungh de daeuj vatcimh, cingjleix, geiqloeg fwen minzcuz bonjfaenh, aeu vwnzva Bouxcuengh fungfouq gyaenanz haenx laebdaeb swnjcienz roengzbae, caemhcai doiq hong doigvangq Sawcuengh, hoenghvuengh caeuq

hwngfat vwnzva minzcuz, doicaenh minzcuz doxgiat cinbu saehnieb hix miz cozyung hungloet.

Ciuq cam rox, yozyenz geiz beizyinbanh neix doiq fwen bonjdieg ggmiz daegsaek haenx miz itdingh roxyiuj caeuq yenzgiu, rox bien rox eu, Vahgun Sawgun giekdaej haemq ndei, miz sim hag. Ndaw gyoengqde miz Bouxcuengh, hix miz Bouxgun, boux ceiq geq 65 bi, boux ceiq oiq 12 bi. Beizyin guh 8 ngoenz, gocwngz baugvat Sawcuengh giekdaej cihsiz, gejdooeg fwen Bouxcuengh, fwen cingzgingj ciuqi sonhag nem yienh-cienz yawjngonz “ndwen hawfwen” Vujmingz it ndwen it haw haenx.

(Veiz Yinjsenz/韦尹璇)



Mbanjmyauz Seizcou Gyaeu Lumj Veh 秋到苗山美如画

Ngamq haeuj laebcou,
Liujcouh Si Yungzsuij
Myauzcuz Swciyen diegbya
dajndaem haeuxnaz haenx
laebdaeb baenz lo, doenghnaz
haeux henj loeg doxgek
doxriengh youq ndaw gyoengq
bya, cauxbaenz fuk veh
doenghnaz sei veh fungcingz
gagmiz he, gyaundeidei raixcaix.
Ndaw doz dwg doenghnaz
haeux henj loeg doxgek
gyaundeidei dahraix.

(Lungz Dauh/龙涛)

Lungzswng Yawjnaek Doicaenh Hong Minzcuz 龙胜注重推进民族工作

Bineix doxdaeuj, Lungzswng Gak Cuz Swciyen nyinhcaen senhconz gvancez lozsiz minzcuz cwngcwz dangj, haenqrengz hwngfat dieg minzcuz ginghci, coicaenh daengx yienh gak cuz beksingq doxgiat onjdingh.

It dwg gaem senhconz, yawjnaek minzcuz cwngcwz dangj vwnzvunz roxyiuj. Haiguh ndwen senhconz hozdung, caux ok gij heiqaenh yaenglwnh senhconz ndei; leihyungh aen cwngheuh ndei “aen yienh bak ciet minzcuz”, vih senhconz minzcuz cwngcwz, minzcuz vwnzva dap hwnj bingzdaiz moq; doenggvaq bangcoengh laebbaenz ndawbiengz fwen hezvei, vatcimh caeuq son' gyaug bouxswnj-cienz fwen daengj fuengsik, swnjcienz

caeuq hwngfat fwen vwnzva minzcuz, hawj fwen baenz caidij youqgaenj bonjdieg senhconz fuengcim cwngcwz dangj caeuq hawj beksingq lajmbanj vwnzva saedceij fungfouq he.

Ngeih dwg gaem hanghmoeg, yawjnaek dieg minzcuz swngchcanj saedceij vanzging caeuq hwngfat diuzgienh miz gajndeidei moq. Youq giekdaej sezsih fuengmienh, byongh bi doxdaeuj, Lungzswng gaenxmaenx ceng' aeu ngaenzcienz hwngfat saujsu minzcuz 240 lai fanh maenz, guhsat 5 aen mbanj saujsu minzcuz gwnraemx gunghcwngz, hawj ca mbouj geijlai 800 lai boux beksingq saujsu minzcuz ndaej yungh gij raemxswlaizsuij seuqsak haenx, bued roengz 160 lai

fanh maenz coih roenbenjrin Bingz-dwngj Cin Mbanjgvanginanz cien ranz Mbanjdung, hanghmoeg cingq swnhleih guh. Youq minzcuz vwnzva gyaugyuz fuengmienh, guh ndei hong minzcuz vwnzva haeuj hagdangz, minzcuz vwnzyi hozdung, minzcuz diyyuz hozdung nem hagseng maenhndei saujsu minzcuz haeujhag cienhangh bangbouj daengj.

Sam dwg gaem cauxlaeb, yawjnaek minzcuz doxgiat cinbu cauxguh hwngfat. Bi 2016, Lungzswng Gak Cuz Swciyen Saedniemh Cunghyoz ndaej aen cwngheuh ndei “daengx guk minzcuz doxgiat cinbu cauxlaeb hozdung hagdangz guhyienh”.

(Liangz Cwngzhungz/梁承红)

SIUSIK DINJ 简讯

● Mboengqneix, vunzmbanj Luzcai Yen Daujgyangh Cin Daujgyangh Cunh Mbanjgvangj-vuz cingq nyaengq sou mak-sanhcah. Bineix maksanhcah daih' iek moix moux sou ndaej sam seiq cien goenggaen, moix moux souhaeuj fanh maenz doxhwnj. Aen yangh neix ndaem maksanhcah guh bangrex hanghmoeg, leihyungh byafwz ndaem gomaksanhcah 5000 moux, daiqdoengh le vunzmbanj 4 aen mbanj ndaem gomak-sanhcah.

(Lai Genveih)

● Bineix doxdaeuj, Lingz-yinz Yenveij, Yen Cwngfuj ciuq gij moegbiu iugouz “saedbauj haeux gihbwnj gag gaeuq yungh, haeuxgwn cieddoiq ancienz”, doiq dohlahgih, haeuxnaz caz-yanghgi, haeuxnaz lenzhoz souhgozgi daengj nungzgi cienzmienh lozsiz boujdiep cwngcwz. Daengz seizneix, aen yienh neix gaenq miz 712 ranz nungzhoh bauq caemhcai miz 795 aen nungzgi ndaej cien boujdiep, cien boujdiep gungh 76.57 fanh maenz.

(Vangz Binh)

● Bineix daeuj, Nazboh Yen aeu guhndei canjnieb baijbouh guh cawisienq, aeu hwngfat daegsaek dajndaem guh fwnzggaem, aeu gohgi gyalai yauqik guh cungdenj, aeu bouxguhnaez gyalai souhaeuj guh moegbiu, ciuq dieg bae guh, haenqrengz cauxlaeb “it yangh it yiengh” roxnaeuz “it mbanj it yiengh” canjnieb hwngfat gwzgi guh guhndei dajndaem gezgou, haenqrengz hwngfat gizdieg daegsaek canjnieb, aeundaej cingzyauq gig ndei.

(Luz Ciyungz Couh Cwngcinh)

● Ginhsu Yauzcuz Swciyen aen yanghcin diegbya hwng ndaem batgak, bineix batgak ndei gai, batgak ndip moix goenggaen gyaqgai daengz 6.6 maenz, gyaqcienz batgak ndip beij bigvaq moix goenggaen hwnjgyaq 3 maenz baedauq, bingzyaenz ngoenz ndeu roengzdaej, doiq gvanbaz ndeu couh mbaet ndaej ca mbouj geijlai 100 goenggaen batgak ndip lo, souhaeuj daih' iek 600 maenz, souhaeuj ndei youh lai hawj ranz ndaem batgak sim vuenheij.

(Cinz Haijyen)